



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 21. Armorum societas adversus Turcas a Pontifice contracta

[urn:nbn:de:hbz:466:1-66414](#)

ne tamen Papæ Legatis palam adversa- Sæcul. XVI.
A.C. 1514.
retur, se Imperatori Selimo arma inferen-
do imparem esse obtendebat, eoquod
bello, quod in Venetos movisset, tam a-
criter implicaretur, ut novum suscipere
haud sibi integrum foret, quamvis cete-
roquin suam quoque opem conferre pa-
ratus esset, minime tamen copias suas ex
Hungaria dimittere posset, eoquod inge-
nitum bellum sit Germanis cum Hunga-
ris; proin timendum, ne illi transitum
his aut omnino negarent, aut durissimis
nonnisi conditionibus concederent. Ob-
tendebat insuper, quod cum Ladislao
Hungariæ & Bohemiæ Rege foedus fuis-
set initum, vi cuius Rege defuncto Cæ-
sar vel ejus posteri in hæc Regna succe-
derent; hinc duo sceptræ, quæ Nepoti
suo competerent, amittendi periculo fese
exponeret, quod tamen minime consul-
tum foret: his denique addidit, magis
e re esse, ut Imperii vires reserventur,
fors quondam in Hungaria atque Bo-
hemiarum Nobiles convertendæ; hos enim
initis pactionibus vehementer adversari
ajebat.

§. XXI.

*Armorum societas adversus Turcas a
Pontifice contracta.*

Summus Pontifex hac Cæsaris repulsa *Marian. lib.*
nullatenus animo fractus, opera se- 30. n. 109.

C 3 dulo

Sæc. XVI.
A.C. 514.

dulo navata tantum effecit, ut adversus Turcas fœdus pangeret, Mediolanensi Duce, ac Genuensibus eidem nomen dantibus. Ceteros quoque Principes Christianos, ac præcipue Galliæ, Angliæ, & Lusitaniæ Reges ad eandem Societatem pertrahendi spem concipiebat. Præcipui autem hujus fœderis articuli erant. I. Ad recuperandas Christianorum Principum ditiones, Turcasque ab illis repellendos Foederati justum Equitum numerum pro ratione cujuscunque virium taxandum suppeditabunt, atque ad conscribendos pedites, alendumque exercitum æstimatione facta certam pecuniaram summam subministrabunt. II. Siquis Foederatorum alteri bellum nunciaturus esset, illum ceteri omnes velut communem hostem habebunt, invasumque tueri satagent. III. Denique Confoederati Principes sexdecim saltem Helvetiorum millibus suo quisque ære stipendia solvent. Attamen dominandi libido, invidia, ac mutua Principum odia pia hæc Pontificis evertebant consilia; opportune tamen factum, ut Infideles aliunde pluribus bellis impliciti, arma sua aliorum convertere compellerentur, eoque pacto Italiæ saluti vel inviti consularent.

§. XXII.